

Decisiuns dalla radunanza communal Surses

La radunanza communal Surses digls 14 da december 2020 ò

- approvo cun 29 vouchs e sainza cuntervouch igl preventiv digl chint economic pigl 2021, tgi prevei en surple d'antradas da fr. 34'000;
- approvo cun 30 vouchs e sainza cuntervouch igl preventiv digl chint d'investiziun pigl 2021, tgi prevei investiziuns bruttas da fr. 10'939'000 resp. investiziuns nettas da fr. 8'777'150;
- piglia cunaschientscha digl plan da finanzas e d'investiziuns 2022-24;
- fixo cun 27 vouchs igl pe da taglia per la taglia d'antrada e da facultad digl cumegn da Surses pigl onn 2021 sen 100% dalla taglia cantunala simpla. La proposta d'ena votanta da redutgier igl pe da taglia communal sen 90% dalla taglia cantunala simpla ò survagnia 5 vouchs ed è damai betg neida acceptada;
- approvo cun 32 vouchs e sainza cuntervouch igl credit d'object da fr. 1'340'000 per la sanaziun digl reservuar Sur ed incumbenso igl madem mument la suprastanza cun l'execuziun;
- approvo cun 31 vouchs e sainza cuntervouch igl credit d'object da fr. 290'000 per la construcziun d'en passape e la sanaziun dalla lengias dallas ovras communalas an connex cun la sanaziun dalla veia naziunala (etappa Mulegn) ed incumbenso igl madem mument la suprastanza cun l'execuziun;
- approvo cun 32 vouchs e sainza cuntervouch igl credit d'object da fr. 620'000 per la sanaziun dalla Veia Dual a Riom (1. etappa) ed incumbenso igl madem mument la suprastanza cun l'execuziun;
- approvo cun 32 vouchs e sainza cuntervouch igl credit d'object da fr. 250'000 per surpiglier (sainza costs) la Veia Segantini e la sanar. Igl madem mument vign la suprastanza incumbensada cun l'execuziun.
- approvo cun 32 vouchs e sainza cuntervouch igl credit d'object da fr. 280'000 per la sanaziun digl bietg polivalent Grava a Savognin ed incumbenso igl madem mument la suprastanza cun l'execuziun;
- approvo cun 31 vouchs e sainza cuntervouch igl credit d'object da fr. 1'100'000 per la renovaziun dallas cumbinaziuns d'apparats da colliamaint da tensiun bassa e digl sistem da direziun digls process dalla serenera Sotgôt a Cunter ed incumbenso igl madem mument la suprastanza cun l'execuziun. Las lavours vignan fatgas an dus etappas igl 2021 e 2022;
- fixo cun 31 vouchs e sainza cuntervouch la quota per la vendita dad immobiglias ad esters pigl onn 2021 scu anfignen ossa sen 100%;
- piglia cunaschientscha da diversas infurmaziuns.

Igl protocol dalla radunanza communal digls 14 da december ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitgia a taimp util aint igls figls uffizials digl cumegn.

Tinizong, igls 15 da december 2020

Suprastanza communal Surses